

氣虛變證

○初發身熱悠悠，乍熱乍涼，肌慢神倦，面青眊白，飲食減少，手足時冷時熱，嘔吐便溏，痘點方見，隱隱不振，淡紅皮薄，三四日陸續不齊，不易長大，五六日不易成漿，少食氣餒，傷食易泄，七八日塌陷灰白不起，自汗微渴，或腹脹喘渴泄瀉，塌癢悶亂，咬牙寒戰，頭溫足冷。

○虛痘初發，不宜服參蘇飲，人參敗毒散，枝子金花丸，升麻湯，當用參芪飲，若氣粗皮燥無潤色，勿用，只

宜補兼升提

四君減人參少加桔梗川芎腹皮

點子出齊重用參芪八九日無他證用法如常若
頂陷灰白不起漿清自汗微渴十全大補湯加桂

若塌陷灰白腹脹泄瀉十一味木香散

若塌癢悶亂腹脹渴瀉喘嗽頭溫足冷寒戰咬牙
十二味異功散

氣虛變實非真實

漿足後過用參芪則腹脹喘急

橘紅桔梗枳殼山查

誤多用五苓木通則大便閉塞

四物湯加火麻仁郁

李仁、便實而渴、四物湯、加麥冬、花粉、

○過用丁桂辛熱、則咽喉腫痛、煩躁閉渴、

四物湯、加牛蒡、麥冬、花粉、

氣虛似實

○瀉後渴、乃津液下陷、虛火上盛、非實熱、

十二味異功散、

○瀉後喘、乃元氣下陷、虛陽上擁、下氣不續、非氣擁、六

君子湯、

實證似虛

○身發壯熱、毛直皮燥、睡臥不寧、腮紅睛赤、氣粗煩渴、腹脹便秘喘急、乃熱甚毒重、為實證、

若兼嘔吐、乃熱毒內鬱、上逆攻冲、宜升陽發散、或因寒冷所搏、或因乳食不節、致傷風冷、則冷煖相拒而吐、宜引之使下、猪苓、澤瀉、橘紅、之類、

若兼泄瀉、乃熱毒下注、宜升提發散、引毒外解、或因傷食瀉、輕則消化、重則從之、未出而瀉者生、既出而瀉者死、

若不思飲食、乃熱毒在內、必二便秘結、腹脹滿急、
宜升提發散、

已上三證俱似虛、若誤用丁桂半夏等熱藥、是以
熱攻熱、必增煩劇、

龍骨豆蔻、雖能止泄、熱毒泄者、勿用、

神麴麥芽砂仁、雖能助脾化食、壅熱不食者、勿用、

熱證變虛

○血熱痘證只宜清涼發散若過用苦寒如升麻、芩、連、

及滑泄藥必內傷脾胃外水肌肉

脾胃傷輕則飲食減而溏泄重則洞泄無度遂致虛寒

肌肉水則熱蒸之氣不行腠理閉澁痘不肥大不起發不行漿而成伏陷

既變虛證便從虛治參、芪、丁、桂可用五六日見之

十一味木香散十二味異功散

壅熱變虛

○毒盛壅遏、固宜升提發散、兼清涼解毒、若發散太過、必致表虛、或內灌清漿、或虛擗空殼、或癢塌外剝、或潰爛不收、略傷飲食、或傷生冷、則泄瀉、泄瀉不止、遂成虛寒、而氣脫、煩渴悶亂、寒戰咬牙、既變虛證、則參、芪、白朮、丁桂、姜、附、可用、六七日後見之、十一味木香散、十二味異功散、

實熱壅遏證

○過用寒涼、則冰伏泄瀉、宜姜桂溫之、

三四日後、身反不熱、肌膚冰冷、痘不長、宜溫和、官桂、乾姜、川芎之類、使內氣煖而外氣和、

七八九日、曾經泄瀉、便從虛治、十一味木香散、十二味異功散、

泄瀉後、腹脹煩渴喘急、非實熱、乃內虛伏陷、毒成內攻、

○若塌陷倒靨、乾枯無水、硬泄瀉、乃熱毒內攻、紫草膏、

氣虛證

頂陷不起

○初發身熱、手足厥冷、乍涼乍熱、精神倦怠、肌肉眈白、飲食減少、四肢倦、睡臥安靜、便清自調、未見點前、參芪飲、加輕劑發散、如紫蘇、防風、白芷、

見點後、

參芪飲、加輕劑、如川芎、桔梗、

見點四日後、

重用參芪飲、隨病加減、

七八日漿足後、

保嬰百補湯、

前證末稍塌陷、黑靨、

多用十一味木香散、十二味異功散、

○脾為氣之父、腎為氣之母、肺為氣之舍、

○肺主氣，氣不足則自汗，聲音不出，痘頂陷塌，不綻肥。

俱用十宣散，自汗倍黃芪，聲音不出倍桔梗。

○氣虛，神機息不起發，毒乘虛入肺，為陷伏，宜參芪。

○痘灰白不起發，癢塌吐利，寒戰咬牙，手足冷，宜補氣。

寒戰咬牙湯，補漿湯，灌膿起頂散，參芪飲等方酌用。

○痘淡灰白色，頂不堅實，不碍指，不起發，參芪飲倍加。

酒炒黃芪、肉桂、川芎、丁香、人乳、好酒。

○中黑陷而外白色起遲，宜補氣，畧兼涼血。

○凡氣虛證，宜參朮，加解毒藥，如酒炒芩、連、三黃丸、枝子、金、花、丸之類。

○ 若裹來堅厚，窠囊充長，為氣足。若發泡，為氣過也。

血虛證

乾枯紫黑

○根窠不紅活、或紅而散亂、以手摸過即轉白、痘上如

寒毛豎起、乾燥枯澁、膿水少、漿毒不附、宜參芪飲、

加芎、歸、酒洗、紅花、并用山查、以消參芪之滯、及用木香數分、以行滯氣、而血自活、

○脾胃為血之父、心為血之母、肝為血之舍、

○心主血、血不足、則灰白、根窠不紅、不光澤、俱芎歸湯、

加芍藥、紫草、紅花、

○血虛、化源絕、毒乘虛入肝、為癢塌、宜芎、歸、

○血不足、則經脉壅遏、窠囊空虛、黑燥不鮮明、枯萎不

肥澤皮膚皺揭啓裂宜補血活血養液散熱解毒

清金潤燥

○凡血虛證宜四物加解毒藥如酒炒芩連三黃丸枝

○若根芽紅活形色潤澤為血足子金花丸之類若發癰為血過也

血熱

○初發身熱壯盛、腮紅臉赤、毛焦色枯、煩躁渴欲飲水、
日夜啼哭、睡臥不寧、好睡冷處、小便赤澁、痘紫、
未出之前、十神解毒湯、

未出至見點三四日後、熱證平、欲行漿、太乙保和湯、加減、

八九日漿足後、保嬰百補湯、

前證六七八日間有紫黑乾枯、及青灰陷者、紫草

膏、惟泄瀉後、黑陷乾紅、十一味木香散、十二味異

功散、

治血熱壅遏

○表熱盛、痘必乾枯、表太涼、痘必冰伏、俱宜安表、

○內熱盛、則秘結、內太涼、則泄瀉、俱宜和中、

○氣壅盛、則腹脹喘滿、宜勻氣、

○熱毒內鬱、則腹脹狂亂、宜透肌、使熱毒伸越、

○毒氣彌盛、則表裏受病、宜解毒、使內外分消、

○血熱痘證、升提發散、使毒外解、引以滲泄、使熱內消、

佐以清涼消毒、行血涼血、則痘易漿、易成矣、發熱

至見點後三日已前、毒未達表、若誤用參芪苓朮

近世醫書
卷之一
三十一
補氣藥則以實攻實、邪氣愈盛、必腹脹氣喘、狂亂
譫語、咽喉腫痛、口舌生瘡、

嘔吐泄瀉、若誤用半夏、下桂、乾薑、木香、藿香、訶子、
肉果、則以熱助熱、必咽疼、狂亂、失血、便秘、若誤用
龍骨、枯礬、澀滯之物、則氣道阻塞、必腹脹喘急、